



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Vibor Handžić

zastupnik u Skupštini Kantona Sarajevo
Sarajevo, 28.09.2021.

Dostaviti:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
Skupština Kantona Sarajevo
n/r predsjedavajući Skupštine Kantona Sarajevo g. Elvedin Okerić

Uputiti:

Zavod za planiranje razvoja Kantona Sarajevo

PREDMET: ZASTUPNIČKA INICIJATIVA

Poštovani,

Na osnovu članova 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12, 15/13, 47/13, 47/15, 48/16, 9/20 i 14/20), samostalnoj kantonalnoj upravnoj organizaciji - Zavod za planiranje razvoja Kantona Sarajevo,

u ime građanki i građana okupljenih u neformalnu grupu „Spasimo Dobrinju“ upućujem zastupničku inicijativu za **hitno dostavljanje:**

- **fotokopiju akta Zavoda za planiranje razvoja Kantona Sarajevo broj: 02-23-5067/19 od dana 29.10.2019. godine.**

OBRAZLOŽENJE:

S obzirom na to da područje gradnje skladišta kerozina/benzinske pumpe/hotela investitora HIFA OIL d.o.o. Tešanj uz Međunarodni aerodrom Sarajevo nije pokriveno detaljnim planskim dokumentima koje definira Zakon o prostornom uređenju Kantona Sarajevo (izuzev sui generis detaljnog planskog dokumenta - Master plana Međunarodnog aerodroma Sarajevo, kojeg ćemo za potrebe ovog značajnog pravnog argumenta na trenutak zanemariti),

Prvostepeni organ morao je u smislu odredbe člana 55. Zakona o prostornom uređenju Kantona Sarajevo prije izdavanja urbanističke saglasnosti investitoru HIFA-OIL d.o.o. Tešanj, kao i izmijenjene urbanističke saglasnosti, prethodno pribaviti pozitivno stručno mišljenje nosioca izrade plana (Zavoda za planiranje Kantona Sarajevo). Prema neformalnim informacijama kojim „Spasimo Dobrinju“ raspolaže Zavod za planiranje Kantona Sarajevo svojim aktom broj 02-23-5067/19 od 29.10.2019. godine nije dao Prvostepenom organu pozitivno stručno mišljenje, već je ovim aktom ukazao da takvi zahvati, odnosno promjene u prostoru nisu u skladu sa Prostornim planom Kantona Sarajevo, Urbanističkim planom Grada Sarajeva i Master planom Međunarodnog aerodroma Sarajevo.

Napominjemo da shodno odredbama člana 55. stav 3) Zakona o prostornom uređenju Kantona

Sarajevo, nosilac izrade planskog dokumenta prije izdavanja pozitivnog stručnog mišljenja provjerava da li je zahtjev usaglašen sa planom prostornog uređenja šireg područja, uvjetima za planiranje na predmetnom području, zakonima i propisima donesenim na osnovu tih zakona, a koji neposredno ili posredno uređuju odnose u prostoru. Kako zahtjev u konkretnom slučaju nije usuglašen sa planskim dokumentima šireg područja jasno je da Zavod za planiranje KS nije ni mogao dati pozitivno stručno mišljenje za izdavanje urbanističke saglasnosti, što istu u konkretnom slučaju opet čini ništavom u smislu odredbe člana 66. Zakona o prostornom uređenju Kantona Sarajevo.

Zbog svega navedenog, a u cilju uklanjanja nedoumica, molim vas da fotokopiju ovog akta dostavite što prije.

S poštovanjem,
Vibor Handžić
